

ՀՈԳԵՀԱՆԳՍՏՅԱՆ ԵՎ ՀԻՇԱՏԱԿԻ ԱՐԱՐՈՂՈՒԹՅՈՒՆ ՎԻՐԱՀԱՅՈՑ ԹԵՄՈՒՄ

Դեկտեմբերի 7-ին Վիրահայոց թեմի բոլոր եկեղեցիներում կատարվեց հոգեհանգրստյան արարողություն՝ ի հիշատակ 1988-ի Հայաստանի հյուսիսային հատվածի երկրաշարժի զոհերի:

Այդ օրը հավաքացյալ հայրերից մարդաշատ էր նաև Թբիլիսիի առաջնորդանիստ եկեղեցին. այստեղ էին Վրաստանում ՀՀ դեսպանատան պաշտոնյաներ, Վրաստանի Խորհրդարանի հայ պարզամավորներ, Վրաստանի հայերի միության ու մրավորակաւնության ներկայացուցիչներ, Թբիլիսիի հայոց դպրոցների մանկավարժներ ու աշակերտներ: Արարողությունը հանդիսաւաբար էր Վիրահայոց թեմի առաջնորդ Տ. Վազգեն եպիսկոպոս Միրզախանյանը:

Հավարք հոգեհանգստյան պաշտոնի առաջնորդ Սրբազան Հայրը իր խոսքում հայոց պատմության 1988-ի և 1990-ականների ժամանակաշրջանը համեմատեց Հին Կտակարանի երկու մեծերի՝ Եզրաս քահանայի և Նեեմի գորավարի գործունեության ժամանակների հետ, ովքեր ավերված Երուսաղեմի քաճարը վերաշինելու համար, խրայելացիների հետ միասին, նեպ ու աղեղը ձեռքերին, պայքարում էին թշնամիների և ելուգակների դեմ ու մյուս կողմից՝ վերականգնում և հզորացնում երկիրը:

«Ահավասիկ, պատմությունն այս անգամ էլ կրկնվեց, - ասաց Սրբազան Հայրը, - արցախյան հերոսամարտում հայ ժողովուրդը պայքարեց և մեր հայրերի Աստու գորավիգությամբ նվաճեց իր ապրելու իրավունքը և հակառակ շրջափակման ու փնտեսական դժվարությունների, համայն հայության ուժերով, վերականգնեց աղեպից ավերված բնակավայրերը»:

Սրբազան Հայրն իր գնահատանքի և երախտագիտության խոսքը հայրնեց առաջադեմ ողջ մարդկությանը և ի մասնավորի վրաց ժողովուրդին, ովքեր ծանր այդ օրերին մեր ժողովրդի կողքին կանգնեցին և օգնության ձեռք մեկնեցին աղեպյալ բնակչությանը:

Հիշատակի խոսք ասաց նաև Վրաստանի հայերի միության նախագահ Հներիխ Մուրադյանը, ով այդ փարիներին Վրաստանում ունենալով պետական բարձր պաշտոն՝ իր կարևոր նպաստն է բերել աղեպի գոտուն ցուցաբերվող օգնությանը:

Հոգեհանգստյան արարողությունն ու հուշ-ցերեկույթը ավարտվեց Թբիլիսիի Սուրբ Գևորգ և Սուրբ Էջմիածին եկեղեցիների հոգևոր երգչախմբերի Կոմիտասի և Մ. Եկմալյանի դասական և հոգևոր սրեղծագործությունների կատարումներով:

ՎԻՐԱՀԱՅՈՑ ԹԵՄԻ ՄԱՍԼՈ ՂԻՎԱՆ